

## ၁ ပေတရု ပေတရုဟုနေ ပထမပေးစာ နိဒါန်း

ပေတရုဟုနေ ပထမပေးစာ ၏ တမန်တော် ပေတရုဟု ရေးဟူးဟယ်။ သူဟာ ဖယ်လူဖြစ်ဘီး ဖယ်လူနားဟို့ ရေးဟူးဟယ် ဆိုဘီး သူ့ရဲ့ ပေးစာဟို့ စပြုဟူးဟယ်။ အယ်စာဟို့ “ဇီးလူလေ” ဆိုဘီး ခေါ်ရှင်းခံရဟူ ခရစ်ယာန်လေ ဂူလောင်းနားဟို့ လိစာတတ်ဟူးလေဟယ် (၁.၁; ၁.၁၇; ၂.၁၁)။ သူ့ရဲ့ စာဖတ်မားလေဟာ နိုင်ငံလေ ဘောင်ဂီးဟို့ ဖုလဲဖုလဲစင်ဖြစ်ဟူးဟူကြောန့် ခါဘီးခါ အယ်မူစကားဟို့ ပြောဟူးဟယ်။ အယ်ပေးစာဟာ ဧဖက် သင်းတော်ဟို့ ပေါလုရဲ့ ပေးစာန နံနံဆင်တူနေဟူကြောန့် ခရစ်တော် မွီးဘီးန ၆၅ ခုနှစ်လော့-က်မာ ရေးဟူးဟယ် ဆိုဘီး လတ်ခံဂေဟယ်။ ပေတရုဟာ အယ်ပေးစာဟို့ ဗာဗုလုန်မြို့ ဆိုဘီး ခေါ်ဟူရောမမြို့ဟုနေ ရေးဟူးဟယ် (၅.၁၃)။

ပေတရုဟာ “ငါဟာ နန်းနို့လေဟို့ တိုက်တွန်းနှိုးဆော်ဘီး နန်းနို့ မှီပြုဟူ အယ်မူဇာလေဟာ ဘုရားသခင်ရဲ့ စစ်မှန်ဟူ ကျေးဇူးတော်ဖြစ်ဟယ် ဆိုဇာဟို့ သတ်သေခံဟယ်” ဆိုဘီး အယ်ပေးစာရဲ့ ရည်ရွယ်ချစ်ဟို့ ဖော်ပြဟူးဟယ် (၅.၁၂)။ အယ်ပေးစာဟာ ၁ ပေ ၂.၁၁—၃.၇; ၅.၁၈—၆.၉; ကော ၃.၁၈—၄.၆ လေန တူညီဇာလေ ဘော

င်ဂီး ရှိလေဟယ်။ ပိုင်းသောင်းပိုင်းလောင်းမာ အာဏာပိုင်  
လေဟို နာခံဟိုန မိသားစုဆစ်ဆံရေးန ဆိုင်ဟူဇာလေဟို  
ညွှန်ကြားချစ် ပေးဟူးဟယ်။ ဆောင်းသတ်ခီ နီးလာဟူ  
ကြောနဲ့ ဒေါက်ခလေခံရဟူ ခီမာ သီးခံဟို ခရစ်ယာန်လေ  
ဟို အားပေးဟူးဟယ် (၄.၁)။

**ကြောန်းရာ ကျဉ်းချောက်**

၁။ ပေတရုဟာ သူ့ကိုယ်သူ မိတ်ဆစ်ဟူးဘီး သူရဲ့ စာ  
ဖတ်မားနားဟို ရေးဟူးဟူကြောန်း (၁.၁-၂)

၂။ ကယ်တန်ရှင်းန သတ်ရှင်ရှင်းတွပ် ဘုရားသခင်ဟို  
ချီးမွမ်းဟူးဟူကြောန်း (၁.၃-၂.၁၀)

၃။ ယောင်ကြည်သူလေဟို လောကမာ ဖယ်မျိုး ကောန်း  
ဆောင်း သတ်ရှင်ရမယ် ဆိုဘီး ညွှန်ကြားဟူးဟယ်။  
လန်န မယားကြား၊ ကျွန်န သခင်ကြား ဖယ်မျိုး ဆစ်  
ဆံရမယ် ဆိုဘီးလည်း ရေးဟူးဟူကြောန်း (၂.၁၁-  
၄.၁၁)

၄။ ပေတရုဟာ ဒေါက်ခခံရဟူ ခီမာ သီးခံဟို သူးနို့ဟို  
အားပေးဟူးဟူကြောန်း (၄.၁၂-၅.၁၁)

၅။ နှော-က်ဆောင်းမာ သူရဲ့ ပေးစာဟို နီဂေါင်းချောက်  
ဟူးဟူကြောန်း (၅.၁၂-၁၄)

<sup>1</sup> ယေရှုခရစ်တော်ရဲ့ တမန်တော် ငါပေတရုဟာ —  
ပုန့်တုပြည်၊ ဂလာတံပြည်၊ ကပ္ပဒေါက်ပြည်၊ အာရှို  
ပြည်န ဗိသုနိပြည်လေမာ ဧည့်သည်ဖြစ် ပုလုံနို့နေထို  
င်ဂေဟူသူလေ တနည်းအားဖြင့် <sup>2</sup> ယေရှုခရစ်တော်ရဲ့

စကားတော်ကို နားထောင်မှုတို့တွင် ကိုယ်တော်ရဲ့ သွေးတော်နဲ့ ဖျန်းရှင်းကျေးဇူးတို့ ခံရမှုတို့ ဝိညာဉ်တော်အားဖြင့် သန့်ရှင်းစေရင်းတို့ ခံရဘိး နို့လေရဲ့ ဖြစ်ဟူ ဘုရားသခင်ရဲ့ ကြိုတန်သိမြင်ဟူ ဉာဏ်တော်တိုင်း ဝီကော့-က်ခံရဟူ သူလေနားတို့ စာရေးလိုက်ပါဟယ်။

ကျေးဇူးတော်နဲ့ ငြိသတ်ရှင်းဟာ နန်းနို့မာ တိုးပွားပါစေ။

### သတ်ရှင်ဟူ မျှော်လင့်ရှင်းကြောန်း

<sup>3</sup> နို့လေ သခင်ယေရှုခရစ်ရဲ့ ဖ ဘုရားသခင်ဟာ မင်္ဂလာရှိပါစေ။ ကိုယ်တော်ဟာ သူ့ရဲ့ ကီးမြတ်ဟူ ကရုဏာတော်နဲ့ ယေရှုခရစ်တော်တို့ သေရှင်းဟုနေ ရှင်ပုလန်ထမြော့-က် စေရင်းအားဖြင့် နို့လေဟူ သတ်ရှင်ဟူ မျှော်လင့်ရှင်းနဲ့

<sup>4</sup> နန်းနို့လေတွင် ကောင်းဂန်ဘောင်မာ ထီးသီးဟွားဟူ ယိုယွင်းပျစ်စီးမှုလေ၊ ညစ်ညူးမှုလေန မှေးမှိန်မှုလေ မှေ့ဘဲဟူ မှီတော်ထဲတို့ ပုလန်ဘီး သစ်မွီးဖွား စေတော်မူဟယ်။

<sup>5</sup> နန်းနို့လေဟာ နှော့-က်ဆောင်းကာလမာ ဖော်ပြမှုတို့တွင် ဆင်သင့်ပြင်ဆင်ဟွားဟူ ကယ်တန်ရှင်းတွင် ဘုရားသခင်ရဲ့ တဂိုးတော်နှိုက် ယောင်ကြည်မှုအားဖြင့် စောင့်ရှော့-က်ရှင်းတို့ ခံရဂေ့ဟယ်။

<sup>6</sup> နန်းနို့လေဟာ ခုခီမာ စောင့်ဇမ်းနှော့-က်ယှစ်ရှင်းဘောင်းဇောင်ကြောန် ရှစ်ဟွား ဝန်းနဲရဟူလည်းဘဲ ရင်း

ရင်ဒူးဟု ပြောဟော့ဟူ ကြောန်းရာလေအားဖြင့် ချွင်လန်းဟူစီ ရှိဂေပါ။

<sup>7</sup> ရယ်ကျိုဘီး စောင်ဇမ်းရှင်းဟို့ ခံနိုင်ဟူလည်းဘဲ ပျစ်စီးတတ်ဟူ ရွှေထတ် ရရာတိုင်း ဖိုးကီးဟူ နန်းနို့လေရဲ့ ယောင်ကြည်ရှင်းဟို့ စစ်ကြောစောင်ဇမ်းရှင်းဟော ယေရုခရစ်တော် ပေါ်ထွပ်တော်မူဟူ ခီမာ ချီးမွမ်းရှင်း၊ ဖောင်းသရေတော်န ဂေါင်သရေဖြစ်ဟို့ ရော့-က်ဟို့တွပ် ဖြစ်ဟယ်။

<sup>8</sup> နန်းနို့လေဟော အယ်သခင်ဟို့ မြင်ဖူးဘဲနေဟူလည်းဘဲ ရှစ်ဂေဟယ်။ ခုလည်း မြင်ဘဲန ယောင်ကြည်ရှင်းအားဖြင့် ဖောင်းသရေတော်န စပ်ဆိုင်ဟူ ပြောဟို့မို့နိုင်ဘဲဟူ ချွင်လန်းရှင်းန ဝန်းသာဂေဟယ်။

<sup>9</sup> အယ်ဇာဟု စိဝိညာဉ်ဟို့ ကယ်တန်ရှင်းဖြစ်ဟူ ယောင်ကြည်ရှင်းရဲ့ ကျိုးဟို့ ခံစားရရှင်း ဖြစ်ဟယ်။

<sup>10</sup> အယ်ကယ်တန်ဟူ ကြောန်းရာဟို့ ပရောဖက်လေဟော သေးသေချားချာ စောင်ဇမ်းရှာဖွေဘီး နန်းနို့ခံစားရမယ့် ကျေးဇူးတော်ကြောန်းဟို့ ဟောပြောဂေဟယ်။

<sup>11</sup> ခရစ်တော်ခံရမယ့် ဆင်းရဲရှင်းန ဆင်းရဲခံဘီးမှ ဝမ်စားရမယ့် ဖောင်းစည်းဇိမ်ကြောန်းဟို့ သူးနို့ထဲမာရှိဟူ ခရစ်တော်ရဲ့ ဝိညာဉ်တော်ဟော သက်သေခံဟူ ခီမာ ဖယ်သူဖယ်ဝါ ဖယ်ခီကာလဟို့ ဆိုလိုဟူကြောန်း\*ဟို့ မေးမြန်းရှာဖွေဂေဟယ်။

\* 1:11 ၁.၁၁ ဖယ်ခီကာလဟို့ ဆိုလိုဟူကြောန်း၊ အယ်မျိုးမူဘဲနေဟော ဖယ်သူဖယ်ဝါဟို့ ဆိုလိုဟူကြောန်း။

12 ကိုယ်ဟောပြော ပြုစုရှင်းလေဟာ သူ့နှိုးလေတွပ်မှုဘဲ  
န နန်းနှိုးလေတွပ် ဖြစ်ဟုယ် ဆိုဇာဟို့ အယ်သူလေဟို့ ဖွမ်  
ပြတော်မူဟယ်။ ကောန်းဂန်ဘောင်ဟုနေ စေလွှတ်တော်မူ  
ဟူ သန်ရှင်းဟူဝိညာဉ်တော်အားဖြင့် ကောန်းမြတ်ဟူ ဒန်း  
ကောန်းဟို့ ဟောပြောဟူ သူလေဟာ အယ်ရာလေဟို့ ခု  
နန်းနှိုးလေဟို့ ဟောပြောဂေဘီ။ ကောန်းဂန်တမန်လေဟာ  
ဘဲ အယ်ရာလေဟို့ ရရာတိုင်း ကေ့ရှင်ဂေဟယ်။

သန်သန်ရှင်းရှင်းန သတ်ရှင်ဟို့ နှိုးဆော်ဟူကြောင်း

13 အယ်မျိုးဖြစ်ကြောန့် နန်းနှိုးရဲ့ စိနှလောင်းဟို့ သင့်  
ပြင်ဆင်ဘီးဟာ သမ္မာဒိရှိဂေပါ။ ယေရှုခရစ် ကြွလာ  
ဟူ ခီမာ နန်းနှိုးနားဟို့ ရော့-က်လာမယ့် ကျေးဇူးတော်ဟို့  
ဆောင်းထိမျှော်လင့်ပါ။

14 စဟာ နန်းနှိုးလေ နားလည်ဘဲဟူ ခီဒူးဟာ တတ်မတ်မှု  
နော့-က်ဟို့ လိုက်ဟားမျိုး ခုလိုက်ဂေဘဲန နာခံမှုရှိဟူ သား  
မီးလေမျိုး၊

15 နန်းနှိုးဟို့ ခေါ်တော်မူဟူ သခင်ဟာ သန်ရှင်းတော်မူဟူ  
မျိုး နန်းနှိုးလေလည်း ပြုမူကျင့်ကြံရှင်းလေမာ သန်ရှင်းမှု  
ရှိဂေပါ။

16 ဖြားဖြစ်ကြောန့်နူးဆိုဟာ “ငါဟာ သန်ရှင်းတော်မူဟူ  
ကြောန့် နန်းနှိုးလေဟာ သန်ရှင်းရှင်း ရှိဂေရမယ်” ဆိုဘီး  
ရေးဟားလေဟယ်။

17 နန်းနှိုးလေဟာ လူ့မျှစ်နှာဟို့ ထော့-က်ဘဲန လူလေ ဂူ  
လောင်းရဲ့ ကျင့်တိုင်း စီရင်တော်မူဟူ ဖဟို့ နန်းနှိုးဆုတော

န်း ကိုးကွယ်ဟွယ် ဆိုဟာ ဧည့်သည်ဖြစ်ဟူ ကာလပတ်  
လောင်းမာ ကြော-က်ရွံ့ရုံသေဟူ စိန် နေထိုင်ဂေ့ပါ။

18 ဖြားဖြစ်ကြောန်းဆို့ဟာ နန်းနို့လေဟာ မိစဉ်ဖဆစ်  
ကျင်လည်ဟူ ချည်းနှီးကျင့်ကြံ ပြုမှုရှင်းဟုနော်း ရွှေ  
လေ၊ ငွေလေ ဖော့-က်ပုလန် ပျစ်စီးတတ်ဟူ အောက်စာ  
လေန နန်းနို့လေဟို ဝီးနှုတ်း လွတ်မြော့-က်လာရှင်းမှုဘဲ

19 ဖြားပြစ်လည်းမော့ဘဲ ညှစ်ကြေးလေန ကင်းစင်ဟူ  
သိုးသားဂန်းဟားဟူမျိုး ခရစ်တော်ရဲ့ သွီးတော်မြတ်န ဝီး  
တော်မူဟူ ကြောန်းဟို နန်းနို့လေ သိဂေ့ပါဟွယ်။

20 အယ်ခရစ်တော်ဟာ အယ်ကမ္ဘာလောက မေ့ခန်ဂဒဲ  
ဟု ဘုရားသခင် သတ်မှတ် ဝီးကော့-က်ရှင်းဟို ခံရဘီး  
အယ်နော့-က်ဆောင်း ကာလမာ နန်းနို့လေရဲ့ ကျိုးတွပ်  
ပေါ်ထွပ်တော်မူဘိ။

21 ကိုယ်တော့်ဟို သေဟားသူလေထဲဟုနော် ထမြော့-က်  
စောဘီး ဖောင်းသရေတော်ပေးတော်မူဟူ ဘုရားသခင်ဟို  
အယ်သခင်အားဖြင့် နန်းနို့ယောင်ကြည်ဂေ့ဟွယ်။ အယ်  
မျိုးဖြစ်ကြောန်း နန်းနို့လေဟာ ဘုရားသခင်ဟို မှီပြုဘီး  
ယောင်ကြည်မျှော်လင့်ရှင်း ရှိဂေ့ဟွယ်။

22 နန်းနို့လေဟာ သမ္မာတရားဟို လိုက်လျော့-က် ကျင့်  
သောင်းရှင်းအားဖြင့် နန်းနို့လေရဲ့ စိဝိညာဉ်ဟို သန်ရှင်း  
စင်ကြယ်စေဂေ့ဘီး ဟန်ဆာန်ရှင်းမော့ဘဲဟူ ညီကိုရှင်း  
ရှစ်ဟူ မြစ်တာဟို ရဟူကြောန်း ဖုလူစင်ဟူ စိန်လောင်း

အားဖြင့်<sup>†</sup> ရှင်းရှင်း ခိုင်းခိုင်မြဲမြဲ ရှစ်ဂေပါ။

<sup>23</sup> နန်းနို့လေဟာ ဖော့-က်ပုလန် ပျစ်စီးတတ်ဟူ မျိုးစေ့  
အားဖြင့် မှာဘဲန ဖော့-က်ပုလန် ပျစ်စီးမှုန ကင်းဟူ မျိုးစေ့  
ဖြစ်ဟူ သတ်ရှင်ဘီး မြဲတည်ဟူ ဘုရားသခင်ရဲ့ စကား  
တော်အားဖြင့် ဒုတိယခါ ပုလန်မွီးရှင်းဟို့ ခံရဂေဘိ။

<sup>24</sup> ဖြားဖြစ်ကြောန့်နူးဆိုဟာ၊

“လူလေ ဂူလောင်းဟာ မြစ်ပန်ဟူမျိုး ဖြစ်ဘီး

သူနို့လေရဲ့ ဖောင်းသရေတော်ဟာ မြစ်ပွမ့်ဟူမျိုး ဖြစ်ဟယ်။

မြစ်ပန်ဟာ ညှိုးနွမ်းဘီး သွံခြေ-က်ဟားတတ်ဟယ်။

မြစ်ပွမ့်လေလည်း ကွီတတ်လေဟယ်။

<sup>25</sup> ဘုရားသခင်ရဲ့ စကားတော်ဟာ ကာလစဉ်ဆစ် တည်ဟယ်။”

အယ်စကားတော်ဟာ နန်းနို့လေဟို့ ဟောပြောဟူ ဒန်းကောင်းဘဲဖြစ်ပါဟယ်။

## 2

သတ်ရှင်ဟူကုလော့-က်န သန်ရှင်းဟူလူမျိုးကြောန်း

<sup>1</sup> အယ်ကြောန့် နန်းနို့လေဟာ ကောင်းဘဲဟူမှု ဘောင်းဇောင်နတူးဒု လှည့်ဇားမှု၊ ဟန်ဆောန်မှု၊ နာလိုမှုန ပေါက်ခတ်ပြောဆိုဟူမှု ဘောင်းဇောင်ဟို့ ဖယ်ရှားဂေပါ။

<sup>†</sup> 1:22 ၁.၂၂ စိန့်လောင်းအားဖြင့်၊ တချို့ မူရင်းလတ်ရေးမူလေမာ ဖြူစင်ဟူ စိန့်လောင်းအားဖြင့်၊ ဆိုဘီး ပါရှိဟယ်။

2 သန့်ရှင်းဟူ၊ ဝိညာဉ်ရေးရာနဆိုင်ဟူ မှန်ဟူ နို့စစ်အားဖြင့် ကယ်တန်ရှင်းနှိုက် ကီးထွားလာဟို့တွပ် မွီးခါ ဇ သားဂန်းဟားမျိုး အယ် တရားနို့ရယ်ဟို့ မြဲဒမ်း လိုရှင်တောင်းတဂေပါ။

3 ဘုရားသခင်ရဲ့ ကောင်းမြတ်ဟူကြောင်းဟို့ နန်းနို့လေ မြဲစမ်းကေ့ပီးဘီ ဖြစ်ဟယ်။

4 လူ လေ ရဲ့ ငြင်းပယ် ရှင်း ဟို့ ခံရ ဟူ လည်း ဘဲဘုရားသခင် ဝီးကော့-က်တော်မူဟူ ဖိုးကီးဟူ၊ သတ်ရှင်ဟူကုလော့-က် ဖြစ်တော်မူဟူ အယ်သခင်နားဟို့ လာဘီး၊

5 နန်းနို့လေလည်း သတ်ရှင်ဟူကုလော့-က်မျိုး ဝိညာဉ်ရေးရာ အီတော်ဖြစ် တည်ဆော့-က်ရှင်းဟို့ ခံယူဂေပါ။ အယ်ဇာဟု နန်းနို့လေဟာ သန့်ရှင်းဟူ ယဇ်ပုရောဟိတ်မျိုး ဖြစ်ဘီး ဘုရားသခင် နှစ်သက်လတ်ခံတော်မူဟူ ဓမ္မယဇ်လေဟို့ ယေရှုခရစ်တော်အားဖြင့် ပူဇော်နိုင်ဟို့တွပ် ဖြစ်ဟယ်။

6 ဖြားဖြစ်ကြောန့်နူးဆိုဟာ ကျမ်းစာတော်ဟု၊

“ကေ့ရှုဂေ ဝီးကော့-က်ဟားဟူ၊ ဖိုးကီးဟူ တိုက်ထော့-က် မြစ်ကုလော့-က်ဟို့

ဇီအုန်တောန်ထတ်မာ ငါခလဟားဟယ်။

အယ်ကုလော့-က်ဟို့ ယောင်ကြည်ဟူသူဟာ ယှစ်ကြော့-က်မူမေ့ဟု” ဆိုဘီး လာလေဟယ်။

7 အယ်ကြောန့် အယ်ကုလော့-က်ဟာ ယောင်ကြည်ဟူ နန်းနို့တွပ်ဟု ဖောင်းသရေတော်ရှိဟယ်။ ယောင်ကြည်ဘဲဟူ



သူလေတွပ်ဟု၊

“တိုက်ဆော့-က်ဟူသူလေ ဖယ်ဟူးဟူကလော့-က်ဟာ  
တိုက်ထော့-က် ထိဖျားဟို့ ရော့-က်လာဟူ ရေးကီး  
ဟူကလော့-က်” ဖြစ်ဘီး၊

<sup>8</sup> စကားတော်ဟို့ ယောင်ကြည်ဘဲကြောန့် ထိမိဘီး လဲဂေ့  
ဟယ်။

“ထိမိဘီး လဲဟူကလော့-က်

မှားယွင်းစေဟူကလော့-က် ဖြစ်ဟယ်။”

အယ်မျိုးဖြစ်ဟို့တွပ် သူးနို့ဟို့ သတ်မှတ်ဟူးဇာလည်း ဖြစ်  
ဟယ်။

<sup>9</sup> နန်းနို့လေဟာ မှော်မိုက်ထဲဟုနေဘီး အံ့ဘွယ်ဖြစ်  
ဟူ လန်းရောန်ထဲဟို့ ခေါ်သွမ်းပေးတော်မူဟူ သူရဲ့ ဂေါင်  
ကျေးဇူးလေဟို့ ဖော်ပြဟို့တွပ် ဝီးကော့-က်တော်မူဟူ မျိုး  
ဖြစ်ဂေ့ဟယ်။ မန်းစည်းဇိမ်ရှိဟူ ယဇ်ပုရောဟိတ်မျိုး၊ သန့်  
ရှင်းဟူလူမျိုး၊ ပိုင်ထိုက်ဟူ လူမျိုးတော် ဖြစ်ဂေ့ဟယ်။

<sup>10</sup> နန်းနို့လေဟာ စစဒူးဟု ဘုရားသခင်ရဲ့ လူမျိုးတော်  
မှုဘဲန ခုခီမာ ဘုရားသခင်ရဲ့ လူမျိုးတော် ဖြစ်ဂေ့ဘီး။ စစ  
ဒူးဟု ကရုဏာတော်ဟို့ ခံစားရဘဲန ခုခီမာ ကရုဏာတော်  
ဟို့ ခံစားရဂေ့ဘီး။

ဘုရားသခင်ရဲ့ စေခံကျွန်လေကြောန်း

<sup>11</sup> ရှစ်ရဟူသူလေ နန်းနို့လေဟာ ဧည့်သည်လေဖြစ်ဟူ  
ကြောန့် စိဝိညာဉ်ဟို့ ဆန့်ကျင်တိုက်ခိုက်ဟူ ကိုယ်ကာယ

ရဲ့ တတ်မတ်မှုလေဟို့ ရှောင်ကြဉ်ဂေဟို့တွပ် ငါတိုက်တွန်း နှိုးဆော်ပါဟယ်။

12 ယောင်ကြည်ဘဲဟူ လူမျိုးခြားလေဟာ နန်းနို့လေဟို့ ကောန်းဘဲဟူမူလေဟို့ လောက်ဟူသူလေ ဆိုဘီး ပြစ်တန် စွန့်စွဲဘီး နေဟူလည်းဘဲ ဘုရားသခင်စီရင်တော်မူဟူ နေ့ ရစ်မာ နန်းနို့လေရဲ့ ကောန်းဟူကျင့်ဟို့ မြင်ဟူကြောန် ဘုရားသခင်ဟို့ ချီးမွမ်းဂေဟို့တွပ် သူးနှံ့ရှေ့မာ တင့်တယ် သင့်မြတ်အောန် ကျင့်နေဂေပါ။

13 သခင်ဘုရား ရဲ့ မျစ်နာ တော် ဟို့ ထော့-က် ဘီး အာဏာပိုင်လေရဲ့ အောက်စိုးမူဟို့ ဝန်ခံဂေပါ။ မန်းဂီးရဲ့ ချောက်ခြာအာဏာဟို့ဘဲ ဖြစ်ဖြစ်၊

14 ဒုစရိုက်လောက်ဟူသူလေဟို့ ပြစ်ဒန်ပေးဘီး ကောန်း ဟူကျင့်ဟို့ ကျင့်ဟူ လူကောန်းလေဟို့ ချီးမွမ်းဂေါင်ပြုဟို့ တွပ် မန်းဂီးခန့်ဟားဟူ ဝန်ဂီးလေဟို့ နာခံဂေပါ။

15 ဖြားဖြစ်ကြောန်နူးဆိုဟာ ကောန်းဟူကျင့်ဟို့ ကျင့် ရှင်းအားဖြင့် မိုက်မဲသူလေရဲ့ သိဉာဏ်ကင်းမဲ့မူဟို့ ချေပ ဟို့တွပ် ဘုရားသခင် လိုတော်ရှိဟယ်။

16 လွတ်လပ်ဟူသူလေဖြစ် သတ်ရှင်နေထိုင်ဂေပါ။ အယ်ဘေမဲ့ အယ်လွတ်လပ်မူဟို့ ကောန်းဘဲဇာလေဟို့ ဖောင်းကွယ်ရှင်းဖြစ် သောင်းခုလဂေဘဲန ဘုရားသခင်ရဲ့ ကျွန်လေအားဖြင့် ပြုမူနေထိုင်ဂေပါ။

17 လူလေ ဂူလောင်းဟို့ ရှိသေဂေပါ။ ညီကို မောန်နှမ လေဟို့ ရှစ်ဂေပါ။ ဘုရားသခင်ဟို့ ကြော့-က်ရွံ့ဘီး မန်း

ဂီးလေဟ် ခိုသေဂေပါ။

### ခရစ်တော်ဒေါက်ခခံရှင်းရဲ့ စံနမူနာကြောန်း

<sup>18</sup> စေခံဟူသလေ ကြော-က်ရဲ့ခိုသေဟူစီ ပုလဲပုလဲဝဝ န နန်းနီရဲ့ သခင်လေအောက်စိုးမှုဟို ဝန်ခံဂေပါ။ သခင် ဟာ စိသဘောကောင်းဘီး ညင်သာရှင်းဘဲဖြစ်ဖြစ် ကြမ်း တမ်းဟူ သဘောရှိရှင်းဘဲဖြစ်ဖြစ် ဝန်ခံဂေပါ။

<sup>19</sup> ဖြားဖြစ်ကြောန်းနဲ့ဆိုဟာ ဘုရားသခင်ဟို ထော့-က် ထားဘီး တရားဘဲဟူ ညှဉ်းဆဲရှင်းလေဟို သီးခံဟယ် ဆို ဟာ ကျေးဇူးရှိပါဟယ်။

<sup>20</sup> နန်းနီလေဟာ ကိုယ်ပြစ်ကြောန့် ဒန်ခံရဟူ ခီမာ သီး ခံဟယ် ဆိုဟာ ဖယ်မျိုး ချီးမွမ်းရအူးမယ်နူး။ အယ်ဘေမဲ့ ကောင်းဟူမှုဟိုပြုဘီး ဆင်းရဲခံရဟူ ခီမာ သီးခံဟယ် ဆို ဟာ ဘုရားသခင်ရှေ့တော်မာ ကျေးဇူးရှိဟယ်။

<sup>21</sup> အယ်မျိုး ပြုမှုဟိုတွပ် နန်းနီလေဟို ဝီးကော့-က် တော်မူဘီ။ ခရစ်တော် ကိုယ်တိုင်ဘဲ နန်းနီတွပ် ဒေါက်ခ ဝေဒနာလေဟို ခံတော်မူဟူကြောန့် ခေတော်ရာဟို လိုက် ရှော့-က်ဟိုတွပ် ပေါင်သတ်သေဟို ထားတော်မူဘီ။

<sup>22</sup> ကိုယ်တော်ဟာ လောင်းဝ ပြစ်ဟို လောက်ဟု။ ဖယ် လူလည်း လောင်းဝ လီညာဟု။

<sup>23</sup> ပေါက်ခတ်ပြောဆို ခံရဟူ ခီမာ ပုလန်ဘီး ပေါက် ခတ်ပြောဆိုတော်မူဟု။ ဒေါက်ခဝေဒနာ ခံဟူ ခီမာ ချီး ခြော့-က်တော်မူဘဲန တရားသဖြင့် စီရင်တော်မူဟူသုနှိုက် ကိုယ့်ကိုယ်ကိုယ် အပ်တော်မူလေဟယ်။

24 နို့လေဟာ ပြစ်နဆိုင်ဟူဇာမာ သေဖြစ်ဘီး ပြောန့် မတ်ရှင်းနဆိုင်ဟူဇာမာ သတ်ရှင်ဟို့တွပ် နို့ရဲ့ ပြစ်လေဟို့ ကိုယ်တော်ကိုယ်တိုင် လတ်ဝါးကပ်တိုင်မာ ဝေဒနာခံတော် မူဘီ။ နို့လေဟာ ကိုယ်တော်ရဲ့ ဒန်ချစ်တော်လေအားဖြင့် ရောဂါ ပျော့-က်ဂေ့လေဟယ်။

25 စစဒူးဟု နန်းနို့လေဟာ လမ်းလွဲဘီး ပျော့-က်ဟား ဟူ သိုးလေမျိုး ဖြစ်ဂေ့ဟယ်။ ခုဟု သိုးထီးဖြစ်တော်မူဟူ နန်းနို့ရဲ့ စိဝိညာဉ်ဟို့ ထီးသီးစောန်ရှော့-က်ဟူ သခင်နား ဟို့ ပုလန်ရှော့-က်ဂေ့ဘီ။

### 3

#### လန်န မယားကြောန်း

1 အယ် မျိုး ဘဲ့ မယား ဖြစ် ဟူ သူ လေ ကိုယ့် လန် ရဲ့ အောက်စိုးမူဟို့ ဝန်ခံဂေ့ပါ။ အယ်နည်းအားဖြင့် နန်းနို့လေ မာ ဘုရားသခင်ရဲ့ စကားတော်ဟို့ ယောင်ကြည်ဘဲဟူ လန် လေရှိဟယ် ဆိုဟာ နန်းနို့လေရဲ့ ရိုသေကြော့-က်ရွံ့မူနု သန်ရှင်းစင်ကြယ်ဟူ သတ်တာအားဖြင့် ယောင်ကြည်လာ ဂေ့လေမယ်။

2 ဖြားဖြစ်ကြောန်းနူးဆိုဟာ နန်းနို့လေ သန်ရှင်းစင်ကြယ် ဘီး ဖယ်လော့-က် စိထားဖုလူစင်ရှင်းနု ဘုရားတရားဟို့ ကြော့-က်ရွံ့ရိုသေရှင်းဟို့ သူးနို့လေ ဗြင်တို့ရဟူကြောန် ဖြစ်ဟယ်။

3 နန်းနို့လေရဲ့ လှပပြင်ဆင်ရှင်းဟာ ဆားဗန်ကျစ်ရှင်း၊

ရွှေတန်ဆာဆင်ရှင်း၊ ဝတ်စားဆင်ရှင်းလေဖြစ်ဟူ ပုလန်  
ပန်းဆင်ရင်မှုလေ ဖြစ်စေဘဲန၊

<sup>4</sup> နူးညံ့သီမွေ့ဘီး တည်ငြိမ်ဟူ စိသဘောဖြစ်ဟူ  
ဖော့-က်ပုလန်ပျစ်စီးရှင်းန ကင်းဟူ၊ စိန်လောင်းနဆိုင်ဟူ  
ထဲဟုဝိညာဉ်လူရဲ့ တန်ဆာဆင်ရှင်း ဖြစ်စေဂေ့ပါ။ အယ်  
မျိုးဇာဟု ဘုရားသခင်ရဲ့ ရှေ့တော်မာ ရရာတိုင်း ဖိုးကီး  
ဇာ ဖြစ်ဟုယ်။

<sup>5</sup> ဘုရားသခင်ဟို့ မျှော်လင့်ကိုးစားဟူ ရှေးကာလဟု  
သန်ရှင်းဟူ မီးမလေလည်း အယ်မျိုးဘဲ ကိုယ့်ကိုယ်ကိုယ်  
တန်ဆာဆင်ဘီး စာရာဟု အာမြဟံဟို့ သခင် ဆိုဘီး ခေါ်  
ဘီး နာခံဟူမျိုး ကိုယ့်ရဲ့ လန်လေဟို့ နာခံဂေ့ပါ။

<sup>6</sup> နန်းနို့လေဟု ဖယ်မျိုးမှုရာလေဟို့မှ ကြော့-က်ရွံ့ဘဲ  
န ကောန်းဟူ ကျင့်ဟို့ ကျင့်မယ် ဆိုဟု စာရာရဲ့ သားမီး  
လေ ဖြစ်ဂေ့လေ့မယ်။

<sup>7</sup> လန်လေ နန်းနို့လေဟု ကိုယ့်မယားဟု အားနွဲ့ဟူသူ  
ဖြစ်ဇာဟို့ စာနာထော့-က်ထားဘီး သတ်နဆိုင်ဟူ ကျေးဇူး  
တော်ဟို့ တူးဒု မွီဆစ်ခံဟူသူဖြစ် တန်ဖိုးထားဘီး တူးဒု  
ပေါန်းသင်းနေထိုင်ဂေ့ပါ။ အယ်မျိုးမှ နန်းနို့ ဆုတောင်းဟူ  
ခီမာ တားဆီးဖြစ်ဘဲန နေလေ့မယ်။

သုစရိုက်ဟို့ ပြုဟူကြောန့် ဆင်းရဲခံဟူကြောန်း

<sup>8</sup> နော့-က်ဆောင်း ခြောင်ငုံဘီး ပြောရမယ် ဆိုဟု နန်း  
နို့ ဂူလောင်းဟု တစိတဝန်းဒဲရှိဂေ့ပါ။ ကြင်နာတတ်ဟူ

သဘော၊ ညီကိုရှင်းရှင်း ရှစ်တတ်ဟူသဘော၊ သနားစောင့်  
မတ်တတ်ဟူ သဘောန နှိခလဟူ သဘော ရှိပေပါ။

<sup>9</sup> နန်းနို့လေဟာ ကောင်းဂျီမင်္ဂလာဟို မှီဆစ်ခံရဟိုတွပ်  
ခေါ်တော်မူရှင်းဟို ခံရပေဟူကြောန့် ဆိုးဟို ဆိုးန ကဲ့ရဲ့ပြစ်  
တန်ရှင်းဟို ကဲ့ရဲ့ပြစ်တန်ရှင်းန တုံ့ပုလန်ဘဲ ကောင်းဂျီဟို  
ဘဲ ပေးပေပါ။

<sup>10</sup> ဖြားဖြစ်ကြောန့်နူးဆိုဟာ ကျမ်းစာလာဟူဇာဟု၊

“သတ်ရှင်ဇာဟို နှစ်သက်ဘီး

ကောင်းဟူနေရစ်ဟို မြင်တို့ရှင်ဟူ သူဟာ

ကိုယ့်ရဲ့လျှာဟို ချောက်တီးရမယ်။

ကိုယ့်ရဲ့နှောက်ဟိုလည်း ချောက်တီးဘီး မုသားဟို  
ပြောဇေန။

<sup>11</sup> ကောင်းဘဲဟူ ဒုစရိုက်ဟိုရှောန်ဘီး ကောင်းဟူ သုစရိုက်  
ဟို ပြုရမယ်။

သင့် သင့်တင့် တင့် နေထိုင် ဘီး ငြီး ချမ်း မှ တွပ်  
ကြိုးစားရမယ်။

<sup>12</sup> ဖြားဖြစ်ကြောန့်နူးဆိုဟာ ဘုရားသခင်ဟာ ဖြောန့်မတ်  
ဟူသူဟို ကေ့ရှ စောန်ရှော-က်တော်မူဘီး

သူ့နို့လေရဲ့ ဆုတောင်းသံဟို နားညောင်းတော်မူဟ  
ယ်။

အယ်ဘေမဲ့ ဒုစရိုက်ပြုဟူ သူလေနားဟု ဘုရားသခ  
င်ဟာ မျစ်နှာလွှဲတော်မူဟယ်။”

13 နန်းနို့လေဟာ ကောင်းဟူမှုလေမာ စိအားထတ်သန်  
ဟူသူ ဖြစ်ဟုယ် ဆိုဟာ ဖယ်သူ ညှဉ်းဆဲမယ်နူး။

14 အယ်ဘေမဲ့ ပြောန့်မတ်ဟူတရားကြောန့် ဆင်းရဲ  
ဒေါက်ခ ခံရဟုယ် ဆိုဟာ နန်းနို့လေဟာ မင်္ဂလာရှိလေ  
ဟုယ်။ ဖယ်သူဟိုလည်း ကြော-က်ဂေ့န။

15 နန်းနို့ စိန္တလောင်းထဲမာ ခရစ်တော်ဟို ရှင်သခင်ဖြစ်  
ရှိသေဂေ့ပါ။ နန်းနို့မျှော်လင့်ရှင်းရဲ့ ကြောန်းရာဟို မေးဂေ့  
ဟူသူ ရှိဟူမျှဟို လေးလေးစားစားန ပြေရှင်းပြောဆို ပေး  
နိုင်ဟိုတွပ် မြဲဒမ်း ဆင်သင့်ဖြစ်နေဂေ့ပါ။

16 အယ်ဘေမဲ့ နူးညံ့သီမွေ့ဟူစိ ကြော-က်ရဲ့ ရှိသေဟူ  
စိန ကြည်လင်ဟူ စိန္တလောင်းအားဖြင့် ပြေရှင်းပြောဆို  
ဂေ့ပါ။ အယ်မျိုးဆိုဟာ ခရစ်တော်နှိုက်ရှိဟူ နန်းနို့လေရဲ့  
ကောင်းဟူ သတ်ရှင်နေထိုင်မှုဟို ကဲ့ရဲ့ ရှုတ်ခလဟူသူလေ  
ဟာ နန်းနို့ဟို ပေါက်ခတ် ပြောဆိုဟူတွပ်ကြောန့် ယုတ်ရဂေ့  
လေ့မယ်။

17 ဖြား ဖြစ်ကြောန့်နူး ဆိုဟာ ကောင်းဟူသူစရိုက်  
ဟို လောက်ဟူကြောန့် ဆင်းရဲဒေါက်ခရော-က်ရှင်းဟာ  
ဘုရားသခင်ရဲ့ လိုတော်ရ ဖြစ်ဟုယ် ဆိုဟာ ကောင်းဘဲဟူ  
ဇာဟို လောက်ဘီး ခံရရှင်ထတ် ပိုဘီး ကောင်းပါဟုယ်။

18 ဖြားဖြစ်ကြောန့်နူးဆိုဟာ ခရစ်တော်ဟာ ကိုယ်ခန္ဓာ  
တော် အားဖြင့် သေ ဟား ဘီး\*၊ ဝိညာဉ်တော် အားဖြင့်

3:14 ၃.၁၄ မ ၅.၁၀ \* 3:18 ၃.၁၈ သေဟားဘီး၊ မူရင်းလတ်ရေးမူလေ  
ဘောင်ဂီးထဲမာ ဝေဒနာခံဟုယ်၊ ဆိုဘီး ပါရှိဟုယ်။

သတ်ရှင်ဇာတို့ ရှေး-က်တော်မူဟူကြောင့် နို့လေဟို  
ဘုရားသခင်နားဟို ပို့ဆောင်ဟို့တွပ် ပြောန့်မတ်တော်မူ  
ဟူ သူဟာ ပြောန့်မတ်ဘဲဟူ သူလေတွပ် ဒုစရိုက်ပြစ်လေ  
ကြောင့် တခါဒဲ ခံတော်မူဟယ်။

19 အယ် ဝိညာဉ်တော်အားဖြင့်လည်း ကြွဟူးတော်  
မူဘီး ခုထောက်ထဲမာ ချောက်ဟူးဟူ ဝိညာဉ်လေဟို  
တရားဟောလေဟယ်။

20 အယ် ဝိညာဉ်လေဟာ ရှေးကာလဟု နေလတ်  
ထတ်မာ လူနဲစုဖြစ်ဟူ လူရှစ်ယော့-က်ဟို ရေအားဖြင့်  
ကယ်ဆယ်ဟူ သန်းဖောဟို ဆော့-က်လောက်ဟူ ခီမာ  
ဘုရားသခင်ဟာ စိရယ်ရှယ်နု စောန့်ဟူလည်းဘဲ နားထော  
န့်ဘဲဟူ ဝိညာဉ်လေ ဖြစ်ဟယ်။

21 အယ်မျိုး ဥပမာတိုင်းဘဲ ခုခီမာ ဗတုတိဇံဟာ ယေရှု  
ခရစ် ထမြော့-က်တော်မူရှင်းအားဖြင့် နို့လေဟို ကယ်  
တန်လေဟယ်။ ဗတုတိဇံဆိုဟူဇာဟာ ကိုယ်ကာယရဲ့  
ညစ်ကြေးဆေးရှင်းဟို ဆိုလိုဇာမူဟု။ ကိုယ့်ကိုယ်ကိုယ်  
သိဟူစိ ကောန်းကောန်းကြည်လင်ဘီး ဘုရားသခင်ရှေ့မာ  
ဝန်ခံရှင်းဟို ဆိုလိုဇာဖြစ်ဟယ်။

22 အယ်သခင်ဟာ ကောန်းဂန်ဘောင်ဟို ကြွဝမ်တော်  
မူဘီး ကောန်းဂန်တမန်လေ အာဏာစစ်တဂိုးလေဟို  
အောက်စိုးဘီး ဘုရားသခင်ရဲ့ ညာဖတ်မာ ရှိနေတော်မူ  
လေဟယ်။



## 4

## ပုလောန်းလည်းဟူ ဘဝကြောန်း

<sup>1</sup> ခရစ်တော်ဟာ ကိုယ်ခန္ဓာတော်နှိုက် နို့လေတွပ် ခံတော်မူဟူကြောန့် နန်းနို့လေလည်း အယ်မျိုးသဘောဟိုလတ်နတ်ဖြစ် သောင်းစွဲဂေပါ။ ဖြားဖြစ်ကြောန့်နူးဆိုဟာ ကိုယ်ခန္ဓာနှိုက် ဝေဒနာခံဟူသူဟာ ပြစ်နပြတ်စဲဟူးဘီ ဖြစ်ဟယ်။

<sup>2</sup> အယ်ဇာဟာ ကိုယ်ခန္ဓာနှိုက် သတ်ရှင်ရမယ့် ကျန်နေဟူ ခီကာလဟို လူလေရဲ့ တပ်မတ်ရှင်းအားဖြင့် မှာဘဲနဘုရားသခင်ရဲ့ လိုတော်အားဖြင့် သတ်ရှင်နိုင်ဟိုတွပ် ဖြစ်ဟယ်။

<sup>3</sup> လူမျိုးခြားလေရဲ့ လိုဟိုလိုက်ဘီး ညစ်ညူးဟူ ကာမလိုက်စားရှင်းလေ၊ တတ်မတ်ရှင်းလေ၊ ယစ်မောရှင်းလေ၊ ပျော်လွန်ကျူးရှင်းလေ၊ သော့-က်စားကြူးရှင်းလေ၊ အဓမ္မရောက်ထုဟို ကိုးကွယ်ရှင်းလေဟို ကျင်လည်ဘီးဟူ ပီးဟူးဟူ ခီကာလဟာ နန်းနို့လေတွပ် တော်လောက်ပါဟယ်။

<sup>4</sup> ခုခီမာ နန်းနို့လေဟာ သူးနို့လေနတူးဒု ဆစ်ဆံဘဲန၊ ကာမဂေါင်မာ လွန်ကြူးညစ်ညူးမှု ပြုဘဲန နေဇာဟို သူးနို့လေဟာ အံ့ဩဘီး ကဲ့ရဲ့တတ်ဂေဟယ်။

<sup>5</sup> အယ်မျိုးလောက်ဟူကြောန့် သူးနို့လေဟာ သတ်ရှင်ဟူ သူလေန သေဟူသူလေဟို တရားစီရင်ဟိုတွပ် သင့်

ရှိတော်မူဟူ ဘုရားသခင်နားမှာ စစ်ဆေးစီရင်ရှင်းဟို့ ခံရ  
ဂေ့လေ့မယ်။

<sup>6</sup> အယ်ကြောန်းကြောန့် အယ်သူလေဟာ ကိုယ်ခန္ဓာန  
စပ်လျဉ်းဘီး လူ့စံနှိုးတိုင်း တရားစီရင်ရှင်းဟို့ ခံရဟူ  
လည်းဘဲ ဘုရားသခင်ရဲ့ ရှေ့တော်မှာ စိဝိညာဉ်အားဖြင့်  
သတ်ရှင်ရဟို့တွပ်၊ သေဟွားဟူသူလေဟာ ဒန်းကောန်းဟို့  
ကြားရဂေ့ဟယ်။

ဘုရားသခင်ရဲ့ ဆုကျေးဇူး လေ ဟို့ ထီးသီးစောန့်  
ရှော့-က်ဟူ သူလေကြောန်း

<sup>7</sup> ရှိမျှဂူလောင်းဟာ ဆောင်းဟို့ ရှော့-က်ခါနီးဘီ ဖြစ်ဟူ  
ကြောန့် ဆုတောင်းရှင်းမှုဟို့ ပြုနိုင်ဟို့တွပ် တည်ငြိမ်နက်  
ဟူစိန် သမ္မာဒိ ရှိဂေ့ပါ။

<sup>8</sup> ရှစ်ရှင်းမြစ်တာဟာ ရရာတိုင်းများဟူ ပြစ်လေဟို့  
ဖောင်းအောက်ပေးတတ်ဟူကြောန့် ရှိမျှဂူလောင်းထတ်  
ရှင်းရှင်းကြားမှာ ခိုင်မြဲဟူ ရှစ်ရှင်းမြစ်တာန ရှစ်ဂေ့ပါ။

<sup>9</sup> ညည်းညူမှု မှေ့ဘဲန ရှင်းရှင်း ဧည့်သည်ဝတ်ဟို့ ပြု  
ဂေ့ပါ။

<sup>10</sup> နန်းနို့ ယော့-က်စီတိုင်းဟာ ကိုယ်ခံစားရရှိဟူ ဆု  
ကျေးဇူးရှိဟူတိုင်း ဘုရားသခင်ရဲ့ မျိုးမျိုးရှိဟူ ကျေးဇူး  
တော်နဆိုင်ဟူ ကောင်းဟူဘဏ္ဍာထီးမျိုး အယ်ဆုကျေးဇူး  
အားဖြင့် ရှင်းရှင်း ကူညီဝိဌပေးဂေ့ပါ။

<sup>11</sup> ဟောပြောမားဟာ ဘုရားသခင်ရဲ့ စကားတော်တိုင်း  
ဟောပြောစေ။ စေခံဟူသူဟာ ဘုရားသခင် ပေးတော်

မူဟူ စွမ်းသတ်တိတိုင်း လောက်ဆောန်စေ။ အယ်ဆို  
ဟာ လောက်ဆောန်ဇာလေဟာ ယေရှုခရစ်အားဖြင့်  
ဘုရားသခင်ရဲ့ ဖောင်းသရေတော် ထွန်းလန်းလေ့မယ်။  
သခင်ယေရှုခရစ်ဟာ ကမ္ဘာဆစ်ဆစ် ဖောင်းကီးတော်မူ  
ပါစေ။ အာမင်။

### ခရစ်ယာန်လေခံစားရဟူ ဒေါက်ခဝေဒနာလေကြောင်း

<sup>12</sup> ရှစ်ရဟူသူလေ၊ နန်းနို့လေရဲ့ ယောင်ကြည်ရှင်းဟို့ စစ်  
ဆေးဟို့တွပ် နန်းနို့ ခုခံရဟူ ပြင်းပြဟူ စောင်ဇမ်းနွှော့-က်  
ယှစ်ရှင်းလေ ခံနေရဇာဟို့ အံ့ဩဇာဖြစ်ဟယ် ဆိုဘီး ထန်  
မှတ်ဟူ အယ် မူရာလေဟို့ အံ့ဩဂေန်။

<sup>13</sup> နန်းနို့လေဟာ ခရစ်တော်ရဲ့ ဒေါက်ခဝေဒနာလေဟို့  
ဆစ်ဆံခွမ် ရဟူကြောန့် ဝန်းသာဂေပါ။ အယ်ဇာဟာ  
ဖောင်းသရေတော် ထန်ရှားပေါ်ထွပ်ဟူ ခီမာ နန်းနို့လေဟာ  
ရရာတိုင်း ဝန်းသာရဟို့ကြောင်း ဖြစ်ဟယ်။

<sup>14</sup> နန်းနို့လေဟာ ခရစ်တော်ရဲ့ နာမကြောန့် ကဲ့ရဲ့ပြစ်  
တန်ဇာဟို့ ခံရဟယ် ဆိုဟာ မင်္ဂလာရှိပါဟယ်။ ဖြားဖြစ်  
ကြောန့်နူးဆိုဟာ ဖောင်းသရေတော်နု ပုလဲဇောင်တော်မူဟူ  
ဘုရားသခင်ရဲ့ ဝိညာဉ်တော်ဟာ နန်းနို့ထတ်မာ ကိန်းဝပ်  
တော်မူဟူကြောန့် ဖြစ်ဟယ်။

<sup>15</sup> နန်းနို့လေဟာ လူသတ်ဟူမူ၊ ခိုးဟူမူ၊ ရာဇဝတ်မူ၊  
သူများကိစ္စလေမာ ဝမ်စွက်ဖက်ဟူမူအားဖြင့် ယော့-က်  
လည်း ပြစ်ဒန်ခံရစေန။

16 အယ်ဘေမဲ့ ခရစ်ယာန်ဖြစ်ဟူကြောင့် ခံရဟုယ် ဆိုဟာ ယှစ်ကြွေ-က်ရှင်း ရှိဂေ့န။ ခရစ်တော်ရဲ့ နာမကြောင့် ခံရဟုယ် ဆိုဟာ ဘုရားသခင်ရဲ့ နာမတော်ဟို့ ချီးမွမ်းပါစေ။

17 ဘုရားသခင်ရဲ့ အီတော်သားလေဟို့ ရင်ဦးဆောင်းစစ်ကြောစီရင်ရဟူခီ ရှိဘီး နို့လေဟို့ ရင်ဦးဆောင်းစစ်ကြောစီရင်ဟုယ် ဆိုဟာ ဘုရားသခင်ရဲ့ ဒန်းကောန်းတရားစကားဟို့ နားထောန်ဘဲဟူ သူလေရဲ့မူဟာ ဖယ်မျိုးပီးလေ့မယ်နူး။

18 အယ်မျိုးဘဲ  
ဖြောင့်မတ်ဟူသူဟာ ခဲခဲယဉ်းယဉ်းန ကယ်တန်ရှင်း ခံရဟုယ် ဆိုဟာ

ဘုရားသခင်ဟို့ ကိုးကွယ်ဘဲဟူ သူန ပြစ်ကျူးလွန်ဟူ သူလေဟာ ဖယ်မျိုးဖြစ်လေ့မယ်နူး။

19 အယ်ကြောင့် ဘုရားသခင်ရဲ့ လိုတော်တိုင်း ဆင်းရဲဒေါက်ခခံရဟူ သူလေဟာ ကောန်းဟူကျင့်ဟို့ ကျင့်ဘီးကိုယ့်ဟို့ ဖန်ဆင်းတော်မူဟူရှင်၊ သစ်စာတည်တော်မူဟူရှင်ရဲ့ လတ်တော်ဟို့ ကိုယ့်စိဝိညာဉ်ဟို့ အပ်ဂေ့စေ။

## 5

ဘုရားသခင်ရဲ့ သိုးစုကြောန်း

1 သင်းတော်လူဂီး တယော့-က်ဖြစ်ဘီး ခရစ်တော်ရဲ့ ဆင်းရဲဒေါက်ခ ဝေဒနာလေဟို့ တို့မြင်ရဟူ သတ်သေခံဟူသူန ထန်ရှားလာမယ့် ဖောင်းသရေတော်ဟို့ မျှဝီခံစား

ဟူသူဖြစ်ဟူ ငါပေတရုဟာ နန်းနို့မာရှိဟူ လောက်ဖော် ဆော်ဖတ်လေဖြစ်ဟူ သင်းတော်လူဂီးလေဟို့ တိုက်တွန်း နှိုးဆော်ပါဟယ်။

<sup>2</sup> နန်းနို့မာရှိဟူ ဘုရားသခင်ရဲ့ သိုးစုလေဟို့ အောက် ထီးဟူမာ တာဝန်ရမှုဘဲ ဘုရားသခင်ရဲ့ လိုတော်တိုင်း စိ အားထတ်သန်ဘီး ဝန်းသာရှင်းအားဖြင့် စောန့်ထီးဂေပါ။ စင်ကြယ်ဘဲဟူ ကျိုးစီးပွားဟို့ တတ်မတ်ဟူကြောင့်မူဘဲ စေတနာစိအားဖြင့် ကေရှ်အောက်ထီးဂေပါ။

<sup>3</sup> နန်းနို့ သီးသီးအောက်ချောက်ဟူ သင်းတော်လေဟို့ အာဏာသောင်းဘီး စိုးတရပြုရှင်းမူဘဲ၊ သိုးစုလေရှေ့မာ ပေါင်သတ်သေကောန်းဟူသူ ဖြစ်စေဂေပါ။

<sup>4</sup> အယ်မျိုးဆိုဟာ သိုးထီးဂီး ပေါ်ထွပ်လာဟူ ခီမာ နန်း နို့လေဟာ ညှိုးနွမ်းတတ်ဘဲဟူ၊ ဖောင်းကီးဟူ ပန်းဦးရစ် သရဖူဟို့ ရဂေလေ့မယ်။

<sup>5</sup> အယ်မျိုးဘဲ သတ်ငယ်ဟူသူလေ၊ လူဂီးလေရဲ့ စ ကားဟို့ နားထောန်ဂေပါ။ နန်းနို့ရှင်းရှင်း တယော့-က် အော့-က်ယော့-က် စိန့်ခလရှင်းတန်ဆာဟို့ ဆင်ယင်ဂေ ပါ။ ပြားဖြစ်ကြောင့်နူးဆိုဟာ “မာနထောန်လွှားဟူ သူလေ ဟို့ ဘုရားသခင်ဟာ ဆီးတားဘီး စိန့်ခလဟူသူလေဟို့ ကျေးဇူးပြုတော်မူဟယ်။”

<sup>6</sup> အယ်ကြောန် ခီတန်ဟယ် ဆိုဟာ နန်းနို့လေဟို့ ချီး မြှော့-က်ဟို့တွပ် ဘုရားသခင်ရဲ့ ဖောင်းကီးဟူ လတ်တော်

အော့-က်မာ ကိုယ့်ကိုယ်ကိုယ် နှိခိုလေ့ပါ။

7 ဘုရားသခင်ဟာ နန်းနို့လေဟို စောင့်ရှော့-က်တော် မူဟူကြောန့် နန်းနို့လေရဲ့ စိုးရိမ်ပူပန်မှုလေ ရှိဟူမျှဟို ကိုယ်တော်နှိုက် အပ်လေ့ပါ။

8 သမ္မာဒိရှိရှိန အိဘဲန စောင့်နေလေ့ပါ။ နန်းနို့လေရဲ့ ရန်သူဖြစ်ဟူ မာရ်နတ်ဟာ ဟောက်ဟူ ခြံသေ့ဟူမျိုး ဖယ်သူဟို မျိုရမယ်နူး၊ ဆိုဘီး လှည့်လည်ဘီး လိုက်ရှာ နေဟယ်။

9 အယ်ကြောန့် ယောင်ကြည်ရှင်းမာ ခိုင်းခိုင်ခန့်ခန့် ရပ်တည်ဘီး မာရ်နတ်ဟို ဆီးတားလေ့ပါ။ တကမ္ဘာလောင်း မာရှိဟူ နန်းနို့လေရဲ့ ညီကို မောန်နှမလေလည်း အယ်မျိုး ဆင်းရဲဒေါက်ခလေန ရင်ဆိုင်ကျော်လွှား နေရဟူကြောန်း ဟို သိမှတ်လေ့ပါ။

10 ယေရှုခရစ်တော်အားဖြင့် နို့လေဟို ထာဝရ ဖောင်း သရေတော်ထဲဟို ခေါ်တော်မူဟူကျေးဇူး ဂူလောင်းဟို ပြုတော်မူဟူ ဘုရားသခင်ဟာ ဆင်းရဲဒေါက်ခလေဟို ရှစ် ဟူးခံစားရဟူ နန်းနို့လေဟို စောင်လင်စေဘီး တည်ကြည် ခိုင်ခံ့ မြဲမြံစေတော်မူလေ့မယ်။

11 ဘုရားသခင်ဟာ ကမ္ဘာဆစ်ဆစ် ဖောင်းကီးတော်မူပါ စေ။ အာမင်။

နော့-က်ဆောင်းနောက်ဆစ်စကား

12 ငါဟာ နန်းနို့လေဟို တိုက်တွန်းနှိုးဆော်ဘီး နန်းနို့ မှီ

ပြုဟူ အယ်ဇာလေဟာ ဘုရားသခင်ရဲ့ စစ်မှန်ဟူ ကျေးဇူးတော်ဖြစ်ဟုယ် ဆိုဇာဟို သတ်သေခံဘီး အယ်ဇာဟို ရေးဘီးမှ ငါစိထန်ဟူတိုင်း နန်းနို့မူမာ သစ်စာရှိဟူညီကို သိလွာနုလတ်န ခုပေးလိုက်ပါဟုယ်။

<sup>13</sup> ငါ့သား မာကုဟုနေစဘိံး ဗာဗုလုန်မြို့\*မာရှိဟူ နန်း  
နို့နတူးဒူ ဝီးကျော-က်ခံရဟူသင်းတော်ဟာ နန်းနို့လေဟို  
နှောက်ဆစ်ဝေပါဟယ်။

<sup>14</sup> ယော့-က်နယော့-က် မြစ်တာနမ်းန နှောက်ဆစ်ဂေ့  
ပါ။

ခရစ်တော်နှိုက်ရိုဂေဟူ နန်းနို့လေ ဂူလောင်းမာ ငြိသတ်  
ရင်းရိုဂေပါစေ။

**5:13** ၅.၁၃ တ ၁၂.၁၂,၂၅; ၁၃.၁၃; ၁၅.၃၇-၃၉; ကော ၄.၁၀; ဖိလေ ၂၄

\* 5:13 ၅.၁၃ **ဗမုလန်မြို့၊** ဗျာဒိတ်ကျမ်းထဲမှာ ဆိုတာ အယ်ဇာဟာ ရောမမြို့ဟို့ ရည်ညွှန်းဟောင်းဟယ်။

**ဓမ္မသစ်ကျမ်း ထားဝယ်ဘာသာစကား**  
**The Holy Bible in the Tavoyan language of**  
**Myanmar: ဓမ္မသစ်ကျမ်း ထားဝယ်ဘာသာစကား**

copyright © 2024 The Word for the World International

Language: (Tavoyan)

Contributor: The Word for the World International

**ထားဝယ် ဓမ္မသစ်ကျမ်း**

The New Testament in Dawei Language

The Word for the World

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

---

PDF generated using Haiola and XeLaTeX on 9 Jul 2025 from source files dated 9 Jul 2025

0c63f106-1001-58e4-ad11-6f62c327c4e1